



**ს ა ქ ა რ თ ვ ე ლ ო**  
**ლენტეხის მუნიციპალიტეტის საკრებულო**  
**G E O R G I A**  
**CITY COUNCIL OF LENTEKHI MUNICIPALITY**



ოქმი:ლ97.9723307001

თარიღი:03/11/2023

**ლენტეხის მუნიციპალიტეტის საკრებულოს**  
**ბიუროს სხდომა N- 09**

**დ. ლენტეხი. 26 ოქტომბერი 2023წ**

მიმდინარე წლის 26 ოქტომბერს დღის 12 საათზე ჩატარდა ლენტეხის მუნიციპალიტეტის საკრებულოს ბიუროს სხდომა. სხდომას ესწრებოდა ბიუროს 13 (ცამეტი) წევრი. ბიუროს სხდომას უძღვებოდა საკრებულოს თავმჯდომარე გიორგი გაზდელიანი.

ბიუროს სხდომას ესწრებოდა მერიის იურიდიული სამსახურის უფროსი ტარიელ აფაქიძე.

ბიუროს სხდომის თავმჯდომარემ ბიუროს წევრებს გააცნო საკრებულოს მორიგი სხდომის დღის წესრიგის პროექტი:

**1. საკრებულოს მორიგი სხდომის დღის წესრიგის პროექტის დამტკიცება.**

*/მომხს. გ. გაზდელიანი/*

**2. ცნობად მიღება საკრებულოს სამანდატო, საპროცედურო საკითხთა და ეთიკის კომისიის გახცხადების - მურადი ჩანქსელიანის ფრაქცია, ქართული ოცნება-დემოკრატიული საქართველოს“ თავმჯდომარის მოადგილედ არჩევის თაობაზე.**

*/მომხს. თორნიკე გასვიანი/*

**3.საკრებულოს მორიგი სხდომის ჩატარების დღის განსაზღვრა.**

*/მომხს. გ. გაზდელიანი/*

ბიუროს სხდომის დღის წესრიგთან დაკავშირებით შენიშვნა არ ყოფილა.

ღია კენჭისყრის შედეგით - მომხრე -13

წინააღმდეგი -0

გადაწყვიტეს: ლენტეხის მუნიციპალიტეტის საკრებულოს N-9 ბიუროს დღის წესრიგი.

**1. მოისმინეს: ბიუროს სხდომის თავმჯდომარემ გიორგი გაზდელიანმა აღნიშნა, რომ საკრებულოს კომისიების მიერ მომზადებულია საკრებულოს მორიგ სხდომაზე გასატანი პროექტები და შესაბამისად შედგა დღის წესრიგის პროექტი. ბიუროს წევრებს გააცნო საკრებულოს მორიგი სხდომის დღის წესრიგის პროექტი:**

**1. „ლენტეხის მუნიციპალიტეტის საკრებულოს რეგლამენტის დამტკიცების შესახებ“**

ლენტეხის მუნიციპალიტეტის საკრებულოს 2018 წლის 27 აპრილის N-24 დადგენილებაში ცვლილების შეტანის თაობაზე.

/მომხს. ლამზირა გუგავა/

2. ლენტეხის მუნიციპალიტეტში გეოგრაფიული ობიექტების სახელდების თაობაზე.

/მომხს. მევლუდ ლიპარტელიანი/

3. სოფელ ჩუკულიდან ცალკე დასახლების „ლეკუმბასტის“ გამოყოფის თაობაზე მერიის მიერ მომზადებული დოკუმენტაციის კანონთან შესაბამისობის დადგენის თაობაზე.

/მომხს. სოსო ავალიანი/

4. სოფ. ჭველიერში მდებარე უძრავი ქონების ს.კ 87.05.32.002, კერძოდ არასასოფლო-სამეურნეო დანიშნულების მიწის ნაკვეთი 716,00 კვმ შენობა -ნაგებობით (ყოფილი სკოლა ინტერნატი) საპრივატიზაციო ნუსხაში შეტანის თაობაზე.

/მომხს. დალი ტვილდიანი/

5. თანხმობის მიცემაზე ლენტეხის მუნიციპალიტეტის მერიისთვის წინადადებაზე - იაპონიის საელჩოსაგან 72933 (სამოცდათორმეტიათას ცხრაასოცდაცამეტი) აშშ დოლარის გრანტის მიღებაზე.

/მომხს. მარადი ლიპარტელიანი/

## 6.სხვადასხვა.

1. მოისმინეს: საფინანსო კომისიის თავმჯდომარემ ლამზირა გუგავამ ბიუროს წევრებს გააცნო დადგენილების პროექტი - „ლენტეხის მუნიციპალიტეტის საკრებულოს რეგლამენტის დამტკიცების შესახებ“ ლენტეხის მუნიციპალიტეტის საკრებულოს 2018 წლის 27 აპრილის N-24 დადგენილებაში ცვლილების შეტანის თაობაზე. მომხსენებელმა განმარტა, რომ USAID- ის პროგრამის ფარგლებში განხილული იქნა საკრებულოს რეგლამენტი. შევიდა ცვლილებები რეგლამენტის რამდენიმე მუხლში. დაიხვეწა საკითხები მუხლების და პუნქტების მიხედვით. მან დეტალურად გააცნო ბიუროს წევრებს მომზადებული დადგენილების ცვლილების პროექტი.

აზრი გამოთქვა : მერიის იურიდიული სამსახურის უფროსმა ტარიელ აფაქიძემ - რომ

არასწორად არის ჩამოყალიბებული 137-ე მუხლის მე-2 პუნქტი. სადაც წერია, რომ „რეგლამენტის დარღვევისთვის პასუხისმგებლობა კანონით და ამ რეგლამენტით დადგენილი წესით ეკისრება მერიის თანამდებობის პირებს.“ მისი წინანდადებით უნდა ეწეროს პირველ რიგში „პასუხისმგებლობა ეკისრება საკრებულოს“.

მომხსენებელმა განმარტა, რომ საკრებულოს პასუხისმგებლობა იგულისხმება ჩანაწერში - „აგრეთვე სხვა თანამდებობის პირებს, რომლებსაც ევალებათ საკრებულოს საქმიანობაში მონაწილეობა“.

სხვა შენიშვნა დადგენილების პროექტთან დაკავშირებით არ ყოფილა.

ღია კენჭისყრის შედეგით - მომხრე -13

წინააღმდეგი -0

გადაწყვიტეს: საკითხი - „ლენტეხის მუნიციპალიტეტის საკრებულოს რეგლამენტის დამტკიცების შესახებ“ ლენტეხის მუნიციპალიტეტის საკრებულოს 2018 წლის 27 აპრილის N-24 დადგენილებაში ცვლილების შეტანის თაობაზე შეტანილი იქნას საკრებულოს მორიგი სხდომის დღის წესრიგში.

2. მოისმინეს: საკრებულოს თავმჯდომარის მოადგილემ მევლუდ ლიპარტელიანმა ბიუროს წევრებს გააცნო მომზადებული დოკუმენტაცია გეოგრაფიული ობიექტების სახელდების თაობაზე. მომხსენებელმა აღნიშნა, რომ სოფ. სასაშის სკოლის სამეურნეო საბჭო ითხოვს სკოლას მიენიჭოს დამსახურებული პედაგოგის გრიგოლ ონიანის სახელი. საკრებულოს სივრცით-ტერიტორიული დაგეგმარების და ინფრასტრუქტურის კომისიამ მიზანშეწონილად ჩათვალა საკითხი გატანილი იქნას საკრებულოს სხდომაზე და მიღებული იქნას შესაბამისი გადაწყვეტილება.

ამავე დროს შემოსულია სოფ. ჟახუნდერის მოსახლეობის განცხადება - სოფ. ჟახუნდერის კულტურის სახლს და ჯატიშერის უბანში ქუჩას მიენიჭოს ნაადრევად გარდაცვლილი, ყველასთვის საყვარელი მწერლის ანა ლაშხელის სახელი. კომისიის დასკვნის თანახმად დოკუმენტაცია შესაბამისობაშია კანონით დადგენილ მოთხოვნებთან და შეგვიძლია მომზადებული დოკუმენტაცია გადავაგზავნოთ სამთავრობო კომისიაში.

განხილული იქნა მესამე განცხადებაც. აფხაზეთის ომში გმირულად დაღუპული ტარიელ ონიანის სახელი მიენიჭოს სოფ. ჟახუნდერში სოფელში შემავალ პირველ ქუჩას. ამ საკითხზეც დოკუმენტაცია სრულყოფილად არის მომზადებული და კომისიის გადაწყვეტილების თანახმად უნდა გაიგზავნოს სამთავრობო კომისიაში.

შენიშვნა საკითხთან დაკავშირებით არ ყოფილა.

ღია კენჭისყრის შედეგით: მომხრე -13

წინააღმდეგი -0

გადაწყვიტეს: საკითხი შეტანილი იქნას საკრებულოს მორიგი სხდომის დღის წესრიგში.

4. მოისმინეს: საკრებულოს თავმჯდომარის პირველმა მოადგილემ დავით პირველმა ბიუროს წევრებს გააცნო საკითხი - სოფელ ჩუკულიდან ცალკე დასახლების „ლეკუმბასტის“ გამოყოფის თაობაზე მერიის მიერ მომზადებული დოკუმენტაციის კანონთან შესაბამისობის დადგენის თაობაზე. მომხსენებელმა განმარტა, რომ მთავრობის ადმინისტრაციიდან შემოვიდა წერილი. წერილის თანახმად აუცილებელი იყო დაზუსტებული მონაცემების გაგზავნა ლეკუმბასტის თაობაზე. მერიამ მოამზადა დამატებითი დოკუმენტაცია და საკრებულოს სივრცით-ტერიტორიული დაგეგმარების და ინფრასტრუქტურის კომისიამ განიხილა აღნიშნული საკითხი. კომისიის დასკვნის თანახმად მომზადებული დოკუმენტაცია შესაბამისობაშია კანონით დადგენილ მოთხოვნებთან. დოკუმენტაციას თა ერთვის კომისიის დასკვნა.

შენიშვნა საკითხთან დაკავშირებით არ ყოფილა.

ღია კენჭისყრის შედეგით: მომხრე -13

წინააღმდეგი -0

გადაწყვიტეს: საკითხი შეტანილი იქნას საკრებულოს მორიგი სხდომის დღის წესრიგში.

5. სმოისმინეს: საკრებულოს ქონების მართვის და ბუნებრივი რესურსების კომისიის თავმჯდომარემ დალი ტვილდიანმა წარმოადგინა პროექტი - სოფ. ჭველიერში მდებარე უძრავი ქონების ს.კ 87.05.32.002, კერძოდ არასასოფლო-სამეურნეო დანიშნულების მიწის ნაკვეთი 716,00 კვმ შენობა -ნაგებობით (ყოფილი სკოლა ინტერნატი) საპრივატიზაციო ნუსხაში შეტანის თაობაზე.

შენიშვნა საკითხთან დაკავშირებით არ ყოფილა.

ღია კენჭისყრის შედეგით: მომხრე -13

წინააღმდეგი -0

გადაწყვიტეს: საკითხი შეტანილი იქნას საკრებულოს მორიგი სხდომის დღის წესრიგში.

6. მოისმინეს: სხდომის თავმჯდომარემ გიორგი გაზდელიანმა აღნიშნა, მიმდინარე წელს ლენტეხის მუნიციპალიტეტმა გაიმარჯვა საქართველოში იაპონიის საელჩოს მიერ გამოცხადებულ საგრანტო კონკურსში „ადამიანის უსაფრთხოება“ საგრანტო პროგრამის ფარგლებში, პროექტი „ლენტეხის მუნიციპალიტეტის სატვის მძიმე ტექნიკის შეძენა კატასტროფებისადმი რეაგირებასა და რისკის შემცირებისათვის“ დონორის მიერ დაფინანსდება 72933 (სამოცდათორმეტიათას ცხრაასოცდაცამეტი) აშშ დოლარის ოდენობით. შესაბამისად მერიიდან შემოვიდა წერილი - თანხმობის მიცემაზე ლენტეხის მუნიციპალიტეტის მერიისთვის წინადადებაზე - იაპონიის საელჩოსაგან 72933 (სამოცდათორმეტიათას ცხრაასოცდაცამეტი) აშშ დოლარის გრანტის მიღებაზე.

საკრებულოს წევრებისთვის ეს ინფორმაციის იყო ძალიან მისაღები და სასიამოვნო.

ღია კენჭისყრის შედეგით: მომხრე -13

წინააღმდეგი -0

გადაწყვიტეს: საკითხი შტანილი იქნას საკრებულოს მორიგი სხდომის დღის წესრიგში.

ბიუროს სხდომის თავმჯდომარემ საკრებულოს მორიგი სხდომის დღის წესრიგის პროექტის დააყენა კენჭისყრაზე.

შენიშვნა სხდომის დღის წესრიგთან დაკავშირებით არ ყოფილა

ღია კენჭისყრით მომხრე -13

წინააღმდეგი -0

გადაწყვიტეს: დამტკიცდეს საკრებულოს მორიგი სხდომის დღის წესრიგის პროექტი წარმოდგენილი სახით.

3. მოისმინეს: საკრებულოს სამანდატო, საპროცედურო საკითხთა და ეთიკის კომისიის თავმჯდომარემ თორნიკე გასვიანმა ბიუროს წევრებს მიაწოდა ინფორმაცია ფრაქცია „ქართული ოცნებე-დემოკრატიული საქართველოს“ თავმჯდომარის მოადგილედ საკრებულოს წევრის მურადი ჩახქსელიანის არჩევის თაობაზე. (საფუძველი ფრაქციის სხდომის ოქმი).

ბიუროს წევრებმა ცნობად მიიღეს ინფორმაცია „ქართული ოცნებე-დემოკრატიული საქართველოს“ თავმჯდომარის მოადგილედ საკრებულოს წევრის მურადი ჩახქსელიანის არჩევის თაობაზე.

სხდომის თავმჯდომარემ გიორგი გაზდელიანმა ბიუროს წევრებს მიაწოდა წინადადება - საკრებულოს მორიგი სხდომა გაიმართოს მიმდინარე წლის 27 ოქტომბერს დღის 12 საათზე.

გადაწყვიტეს: საკრებულოს მორიგი სხდომა ჩატარდეს 27 ოქტომბერს დღის 12 საათზე.

ბიუროს სხდომა დამთავრდა 13 საათსა და 30 წუთზე.

გიორგი გაზდელიანი

ლენტეხის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

